



UNIVERSITÄTS-
BIBLIOTHEK
PADERBORN

Praxis Meditationum S.P. Ignatii Loyolae

Diertins, Joseph

Solisbaci, 1708

Med. 51. De primo Christi Miraculo in Nuptiis. Myst. punct. 1.

[urn:nbn:de:hbz:466:1-60232](#)

Christus; & ut testemur reciprocum amorem
statuamus nos in tertio gradu humilitatis.

PUNCTUM III. OPERA. MEM. Christus vocavit Di-
scipulos suos; & elegit duodecim ex ipsis (quos
& Apostolos nominavit) Luc. 6.

INTEL. Perpendamus dignitatem Apostola-
tus, quod legationem significat. Hinc dicit Apo-
stolus 2. Cor. 5. Pro Christo ergo legatione fungi-
mur. REFL. Concludamus hanc legationem con-
junctam cum opprobriis, & paupertate, à nobis
debere aestimari præ omnibus dignitatibus, quas
mundani homines tantoperè ambiunt.

VOL. Nos igitur juxta tertium humilitatis
modum, optemus, & eligamus pro nomine IESU
contumeliam pati. Act. 5. ut spretis vanis, & stul-
tis dignitatibus humanis, possimus cum Apostolis,
& cum Christo exaltari ad gloriam, & dignitatem
immarcescibilem.

COLLOQ. Sicut post tres modos humilitatis.
RECOLLECTIO.

MEDITATIO LI.

*De primo Christi miraculo facto in Nu-
ptiis. Joan. 2. Myst. punct. I.*

CONG. Simul atque evigilo delibare pridie pa-
ratam meditationem, ut supra dictum.

PRÆL. I. Quomodo invitatus fuit Christus
cum Discipulis suis ad Nuptias.

PRÆL. II. Conspicari locum convivii in Cana
Galilææ.

PRÆL.

PRÆL. III. Petere gratiam, semper vivendi cum JESU, & MARIA.

PUNCTUM. I. PERSONÆ MEM. Introœamus mente in locum convivii, & videamus Jesum cum Matre, & discipulis suis accubentem.

INTEL. Contemplemur modestiam, temperan-
tiam, abstinentiam. &c. REFL. Comparemus no-
strum comedendi morem, cum illo Christi, & Ma-
riæ ac discipulorum.

VOL. Accusemus coram Deo vitia gulæ nostræ,
& statuamus juxta Reg. 5. de viœtu temperando,
& assuefcamus inter comedendum imaginari,
quasi videamus Jesum Christum Dominum no-
strum vescentem cum suis discipulis. &c.

PUNCTUM II. VERBA. MEM. Vocatus est autem,
& Jesus, & discipuli ejus ad nuptias. Joan. 2.

INTEL. Jesus vult oratione zelosa, humili, & fer-
venti vocari, ut veniat ad nos. REFL. Examine-
mus nos, quia interdum aliqui JESUM adeò non
rogant, ut veniat ; ut potius impedian, & agant
ne veniat ; ut scilicet genio, & sensui liberius indul-
geant.

VOL. Absit à nobis tanta insanía. Dicamus cum S. Bernardo *Desidero te millies, mi JESU quando venies, me latum quando facies, me de te, quan- dosaties?*

PUNCTUM. III. OPERA. MEM. Erat Mater Iesu
ibi: vocatus est autem, & Jesus, & Discipuli ejus
ad Nuptias. Joan. 2.

INTEL. Ratiocinemur, Christum opere, & exemplo suo, quo interfuit nuptiis, docuisse, quod contemnendi non sunt ij, qui manent in primo statu, & communi, in quo debent observari mandata Dei; non debent, inquam, contemni ab illis, qui sunt in statu perfectionis Evangelicæ REFL. An nos non contemnimus interdum illos, & judicamus? & tamen sèpè tales nobis præferentur in die judicii.

VOL. Agnoscamus h̄c superbiam nostram, ex qua oriuntur talia judicia: & memores verborum Christi Matth. 7. *nolite judicare, & non judicabimini: abstineamus deinceps à judiciis temerariis.*

COLLOQ. Quo petatur spiritus humilitatis, & cognitionis sui ipsius, ut nos ipsos potius judicemus, quàm alios: atque Christi exemplum semper præ oculis habeamus.

RECOLLECTIO. REPETITIO. APPLICATIO SENSUUM.

MEDITATIO LII.

De primo Christi miraculo facto in Nuptiis. Joan. 2.

Myſt. punct. 2.

ONG. De more.

PRÆL. I. Quomodo B. Virgo dixerit Christo, *Vinum non habent: & Ministris quodcumque dixit vobis, facite.* Joan. 2.

PRÆL. II. Locum, ubi hæc dicta sunt, sibi imaginari.

PRÆL.